

МАРТ
ОЙ МАВЗУСИ: “БАҲОР ЧИРОЙИ”

Гуруҳ		Тайёрлов					
Мавзу		Онамнинг куни					
Муддати		Мартнинг 1-ҳафтаси					
Ривожланиш соҳаларига оид мақсадлар	Жисмоний ривожланиш ва соғлом турмуш тарзининг шаклланиши	Болаларнинг соғлом ривожланиши, фаол ҳаракатланиши, улар қоматининг тик бўлиб ўсиши ва қайфиятларининг кўтаринки бўлиши учун бадантарбия машқлари билан мунтазам шуғулланишнинг ўрни ҳақидаги тушунчаларни болалар онгига сингдириш, қўл майда моторикани ривожлантириш					
	Ижтимоий-ҳиссий ривожланиш	Атрофидагиларга хурсандчилик улашиш маданиятини тарбиялашни давом этиш. Яқинларига совғалар улашганда уларнинг хурсандчиликларини ҳис этиш. Яқинлари билан тасаввурлари ҳақида ўртоқлашиш					
	Нутқ, мулоқот, ўқиш ва ёзиш малакалари	Баҳор фаслининг ўзига хос хусусиятлари, гўзал манзаралар, шеърлар орқали болалар нутқини бойитиш, сўзларни бўғинларга бўлиш ва сўздаги товушларни аниқлашга ўргатиш. Берилган саволларга тўлиқ ва аниқ жавоб беришни мустаҳкамлаш					
	Билиш жараёнининг ривожланиши	Икки хил ранг аралашмасидан бошқа ранг ҳосил бўлишини кузатиш					
	Ижодий ривожланиш	Товушларни ажрата олишга ўргатиш, мусиқий фаолиятга қатнашишга қизиқишни ошириш, тасвирий фаолиятнинг турли усуллари билан таништириш ва болаларда ижодий тафаккурни тарбиялаш					
Ривожланиш марказлари		Таълимий- тарбиявий фаолият					
		Душанба	Сешанба	Чоршанба	Пайшанба	Жума	Ресурслар ва иловалар
Эркин фаолият	Қуриш, конструкциялаш ва математика	Онам учун тақинчоқ		“8 март” ёзувини кичик қурилиш материалларидан яшаш		Намуна, мунчоқлар, тугмачалар, кубиклар	
	Сюжетли-ролли ўйинлар ва сахналаштириш	Онамга совға олиш учун дўконга борамиз					Никоблар, атрибутлар, карточкалар
	Тил, нутқ ва саводхонликка ўргатиш	“Онамнинг куни” мавзусида кичик ҳикоя тузиш					Мавзуга оид карточкалар
	Фан ва табиат	Онам учун ранг-баранг рўмол. Амалий иш					
	Санъат	Расм: Онажоним портрети		Лой иши: Онам учун мунчоқ	Аппликация: Бувим учун гулдаста		Рангли қоғозлар, картон, мунчоқлар
	Умумий гуруҳ бўлиб ишлаш						

МАРТ. БИРИНЧИ ҲАФТА

ГЎЗАЛ БАҲОР

Қуриш, конструкциялаш ва математика маркази

Онам учун тақинчоқ

Мақсад: болалар бир нечта белгиларга кўра предметларни фарқлашни (катталиқ, ранг, таркиб) биладилар. Билагузук яшаш учун мунчоқларни навбатма-навбат, тартиб билан жойлаштиришни биладилар.

Керакли жиҳоз ва материаллар: ҳар бир болага билагузукнинг асосига 6-10 та мунчоқлар, ҳар хил ранг ва узунликдаги симчалар. Тарбиячи кўрсатиши учун ҳар хил рангдаги ва ўлчамдаги картон доирачалар.

Фаолиятнинг бориши:

1. Болаларни намуналар билан таништириш.
2. Болаларга мунчоқлардан билагузук учун безак қилишни таклиф этиш.
3. Катта-кичиклигига ва рангига қараб, тугмачаларни саралаш (столни ўнг ва чап томонларига жойлаштириш).
4. Намуна асосида симчага мунчоқларни териш.
5. Эркин фаолият.

Қўшимча: синглисига ва дўстига билагузук ясаб бериш.

Эътиборга молик жиҳати: сим билан ишлаганда эҳтиёт бўлиш, дўстона ва ижодий муҳитни яратиш, ҳаёт хавфсизлиги асосларига эътиборни қаратиш.

Қуриш, конструкциялаш ва математика маркази

"8 МАРТ" ёзувини кичик қурилиш материалларидан яшаш

Мақсад: болалар алифбони биладилар, сўзлар туза оладилар ва қурилиш материалларидан уларни ёза оладилар.

Керакли жиҳоз ва материаллар: кичик қурилиш материаллари: кубиклардаги ёзувлар, санок чўплар, ёзув карточкалари.

Фаолиятнинг бориши:

1. Ёзувни жойлаштириш учун намунани кўриб чиқиш.
2. Ёзувни жойлаштириш жараёни.
3. Фойдаланилган материалларнинг миқдорини ҳисоблаб чиқиш.
4. Турли усуллардан фойдаланиб жараённи амалга ошириш.

Қўшимча: онасининг, ўзининг ёки дўстининг исмини ёзиш.

Эътиборга молик жиҳати: зеҳн (идроқ)ни ривожлантириш, ижодий тафаккурни ўстириш.

Сюжетли-ролли ўйинлар ва сахналаштириш маркази

Онамга совға олиш учун дўконга борамиз

Мақсад: болаларда она ҳақидаги тушунчалар кенгайди, ўзаро маслаҳатлашиш ва хулоса чиқариш кўникмаси мустаҳкамланади.

Керакли жиҳоз ва материаллар: турли мавзулар бўйича расмлар, сотувчиқостюми, буюмлар тасвирланган карточкалар.

Фаолиятнинг бориши:

1. Алифбодан хоҳлаган ҳарфни (товуш)ни танлаб олиш.
2. Сотувчи ва харидор ўртасидаги мулоқот жараёни.

3. Дўкондан совға танлаш.

4. Дўкондаги буюмлар номининг биринчи ҳарфи танланган ҳарф билан мос тушса, буюмни тезда сотиб олиш.

Қўшимча: тўғри талаффузга эътибор бериш.

Эътиборга молик жиҳати: диққат ва топшириқнинг бажарилиш тезлиги.

Тил, нутқ ва саводхонликка ўргатиш маркази

“Онамнинг куни” мавзусида кичик ҳикоя тузиш

Мақсад: болаларда уй-рўзғор ишларини бажаришга ҳавас уйғонади, оила аъзоларига нисбатан меҳр туйғуси мустаҳкамланади.

Керакли жиҳоз ва материаллар: ўйинчоқлар, қўғирчоқлар, мебель-жиҳозлар, идиш-товоқлар ва ҳ.к.

Фаолиятнинг бориши:

1. “Онамнинг куни” мавзусига оид суратларни кўриб чиқиш.
2. Суратларга қараб кичик ҳикоя тузиш.
3. “Байрамда менга нималар ёқади?” мавзусида суҳбат.
4. Болалар яратган ҳикояларни хулосалаш ва рағбатлантириш.

Қўшимча: оналар ва бувиларга аталган шеър ва қўшиқлар айтиш.

Эътиборга молик жиҳати: оилавий байрамларни нишонлашга қизиқиш уйғониш.

Фан ва табиат маркази

Онам учун ранг-баранг рўмол. Амалий иш

Мақсад: болалар оналарига совға тайёрлаш ва улашиш завқини биладилар, асосий ранглар ҳақида маълумотга эгалар. Олов ранг, яшил, бинафша ва жигар рангларни қандай ҳосил бўлиши ҳақида тасаввурга эгалар, рангларни аралаштириб, янги ранглар ҳосил қила оладилар.

Керакли жиҳоз ва материаллар: ҳар бир болага рўмол учун учбурчак шакли, рангли шиша, рангли қалам, бўёқлар, жадвал.

Фаолиятнинг бориши:

1. Рангли шишани кўздан кечириш (қизил, кўк, яшил ва сарик)
2. Иккита ранг танлаш, уларни аралаштириш ва янги ранг ҳосил бўлишини кузатиш.

Рўмолчани тўлқинсимон қилиб бўяш.

3. Фаолиятни давом эттириш.

4. Жадвални тўлдириш – қайси иккита ранг аралашмасидан янги ранг чиқиши ва қандай ранг ҳосил бўлишини белгилаш.

Қўшимча: бўёқларни аралаштириш орқали янги ранг ҳосил қилиш.

Эътиборга молик жиҳати: амалий тажриба жараёнида болаларнинг қизиқиш ва кайфиятлари.

Санъат маркази

Расм: Онажоним портрети

Мақсад: болалар тасвирий санъат жанрларини (портрет) биладилар, портрет чизиш жараёнида ташқи кўриниш, кайфиятни ифодалай оладилар.

Керакли жиҳоз ва материаллар: турли ҳажмдаги оқ ва рангли қоғозлар, гуашь бўёқлар, мўйқаламлар, сув идишлар, оилавий фотосуратлар, иш босқичларини кўрсатувчи таянч расмлар.

Фаолиятнинг бориши:

1. Чизиш учун материалларни танлаш.
2. Болаларнинг мустақил иши.
3. Керакли ранглар уйғунлигини ҳосил қилиш.
4. Портретни рамка ва бошқа аксессуарлар билан безаш.
5. Кўргазма ташкил этиш.

Қўшимча: бошқа усуллардан ҳам фойдаланган ҳолда фаолиятни амалга ошириш.

Эътиборга молик жиҳати: фотосуратларни кўриш имкониятини бериш, фонни мустақил танлаш.

Санъат маркази

Лой иши: Онам учун мунчоқ

Мақсад: болалар пластилиндан кичик бўлақлар ҳосил қилиб, бўлақлардан қўл кафтлари орқали доирачалар ясай оладилар. Азиз инсонини хурсанд қилишга бўлган интилиш мустаҳкамланади.

Керакли жиҳоз ва материаллар: ҳақиқий мунчоқ намунаси, мунчоқларни жойлаштириш учун ип елимланган картон, турли рангдаги пластилинлар, ўйин учун рангли айлана картончалар.

Фаолиятнинг бориши:

1. Мунчоқнинг тузилиши билан танишиш.
2. “Рангига кўра жамла” таълимий ўйини.
3. Пластилиндан айланачалар ҳосил қилиш ва ипга жойлаштиришни амалга ошириш.
4. Болалар ишларидан кўргазма уюштириш.

Қўшимча қисм: рангли картонлардан кесилган айланачалардан ясаш.

Эътиборга молик жиҳати: ишга ижодий ёндашув, қўл майда моторикасини ривожланиши.

Санъат маркази

Аппликация: Бувим учун гулдаста

Мақсад: болалар қоғоздан гуллар ясай оладилар. Композицияни қоғозга тўғри жойлаштиришни биладилар. Гуллар учун рангларни тўғри танлайдилар.

Керакли жиҳоз ва материаллар: гулни жойлаштириш учун ёрқин рангдаги картон, рангли қоғозлар, гулдон шаблони, конфет қоғозлари, қайчи, салфетка, елим.

Фаолиятнинг бориши:

1. Гулдонда тасвирланган гуллар расмларини кўриб чиқиш.
2. Намуна (схема)га қараб конфет қоғозларидан гулнинг марказ қисмини тайёрлаш.
3. Болалар фаолияти.
4. Болалар ишларининг кўргазмасини ташкил этиш ва рағбатлантириш.

Қўшимча қисм: яшашнинг бошқа усуллари кўрсатиш.

Эътиборга молик жиҳати: озода ишлаш, иш жойини йиғиштириш, ҳаёт хавфсизлигига риоя этиш.